

Sib Tham Txog Koob Tshuaj Johnson + Johnson

[nkauj zoo siab]

[npe ntawv] Sib Tham Txog Koob Tshuaj Johnson + Johnson

[Dr. Nathan Chomilo] Nyob zoo, kuv yog Dr. Nathan Chomilo, thiab muaj Adriana Galván nrog kuv nyob no. Wb yuav tham mentsis txog koob tshuaj Johnson and Johnson COVID-19 thiab teb txog tej lus nug uas koj muaj txog koob tshuaj COVID-19. Koj nyob li cas Adriana?

[Adriana Galván] Nyob zoo thiab os kws kho mob. Ua tsaug rau koj muab lub sijhawm no rau kuv.

[Chomilo] Yog mas, ua tsaug koj tuaj tham nrog kuv thiab. Es, koj puas muaj lus nug txog koob tshuaj Johnson and Johnson?

[Galván] Muaj mas, thawj los yog, thaum pib siv koob tshuaj Johnson and Johnson, cia li nres tsis pub siv lawm. Ces kuv xav paub yog vim li cas.

[Chomilo] Yog. Peb yeej soj qab xyuas txhua koob tshuaj seb puas nyab xeeb siv tau. Ces peb nrhiav pom tias cov tibneeg uas mus txhaj koob tshuaj Johnson and Johnson pib mob ntshav khov. Ces thiaj li tau muab nres tsis siv lawm ib ntus vim yog tim koob tshuaj, thiab kom pab cob qhia tej kws kho mob thiab kws tu xyuas neeg mob txog qhov teeb meem no thiab yuav paub kho li cas. Thiab peb nrhiav pom tias qhov kev phom sij uas mob ntshav khov qis heev yog koj mus txhaj koob Johnson and Johnson. Yuav phom sij dua yog koj tsis tau muaj 50 xyoo thiab yog ib tug pojniam. Tiamsis, feem ntau qhov kev phom sij qis heev. Tseeb tiag, qhov kev phom sij mob ntshav khov yuav siab dua, yog koj cia li mob COVID-19. Ces peb yeej tseem txhawb kom tibneeg mus txhaj koob tshuaj Johnson and Johnson kom thiaj li tiv thaiv tawm tsam tau tus kab mob COVID-19. Koj hnov pej xeeb neeg zej zog hais li cas txog koob tshuaj Johnson and Johnson?

[Galván] Es, qhov txhawj mas yeej txhawj, tiamsis tibneeg kuj nyiam koob tshuaj no dua vim yog ua ib zaug koob txhaj xwb. Thaum muab xam txog tej koob tshuaj no, nws tseem ceeb rau sawvdaws paub tias yeej nyab xeeb mus txhaj tau. Tej koob tshuaj nyab xeeb npaum li cas rau tam sim no?

[Chomilo] Peb yeej paub tias tej koob tshuaj no yeej nyab xeeb siv tau, thiab ua haujlwm zoo heev. Thiab yeej pab tiv thaiv peb sawvdaws los ntawm tus kab mob COVID-19. Ces peb yeej tsis txhawb kom koj mus txhaj ib hom koob tshuaj twg, zoo rau koj mam li mus tshawb nrhiav, teb kom tau koj tej lus nug thiab npaj tias yuav mus txhaj rau hom tshuaj twg. Seb koj xav tias koob twg zoo dua rau koj ces mus txhaj koob ntawd xwb. Thiab yeej zoo heev tam sim no uas sawvdaws yuav xav mus txhaj koob tshuaj twg los yeej tau. Xav kom sawvdaws paub li no. Kuv los twb mus txhaj koob tshuaj COVID-19 lawm. Koj puas tau mus txhaj koj koob?

[Galván] Yog, kuv twb mus lawm thiab. Kuv zoo siab kawg. Kuv xav tias yeej nyab xeeb dua. Kuv mus nyob ze tau nrog kuv tej phoojywg thiab cov neeg kuv hlab txog.

[Chomilo] Yog. Yog. Thiab qhov mus txhaj koob tshuaj COVID-19 no, tab txawm yuav yog koob twg los, yuav pab kom peb sawvdaws rov qab mus ua lub neej nyob li yav thaud. Rov mus tau rau lub sijhawm uas peb nco txog. Rov mus ua tau tej koob tsheej, nyob ua ke nrog cov neeg peb hlab, thiab nyob tau hauv zej zog hauv zos. Ces kuv vam thiab cia siab tiab cov neeg pej xeeb sawvdaws yuav mus txhaj tshuaj es kom peb sawvdaws tawm tsam tau tus kab mob.

[Galván] Ces kuv pom tias, tsis hais koob tshuaj twg, qhov tseem ceeb tshaj yog kom peb mus txhaj tshuaj xwb.

[Chomilo] Yog mas. Yog koj xav mus tshawb nrhiav kom paub zoo ntiv txog ib koob tshuaj twg los kav tsij ua. Ces koj thiaj li paub txiav txim zoo thiab yuav npaj li cas thiaj li tiv thaiv tau koj tus kheej thiab koj tsev neeg. Yog peb sawvdaws xav kom tsis txhob muaj tus kab mob kis thooob qab ntuj lawm, peb yuav tsum mus txhaj tshuaj. Ces ua tsaug rau txoj kev sib tham rau hnuv no. Kuj pab rau peb sawvdaws.

[Galván] Ua tsaug os kws kho mob.

[nkauj zoo siab]

[npe ntawv] Yog xav paub ntiv, mus xyuas:

CDC: Your COVID-19 Vaccination (koj koob tshuaj COVID-19) www.cdc.gov/coronavirus/2019-ncov/vaccines/your-vaccination.html

MDH: Txog Koob Tshuaj COVID-19 www.health.state.mn.us/diseases/coronavirus/vaccine/basics.html

Minnesota Department of Health
Communications Office
PO Box 64975
St. Paul, MN 55164-0975
651-201-4989
health.communications@state.mn.us
www.health.state.mn.us

6/24/21 (Hmong)

Xav tau cov ntaub ntawv no ua lwm hom, hu rau: 651-201-4989